



NDËRMARRJA PUBLIKE HIDROEKONOMIKE „IBER - LEPENC“ SH.A.
HYDRO - ECONOMIC ENTERPRISE „IBËR - LEPENC“ J.S.C.
VODOPRIVREDNO PREDUZEÓE „IBËR - LEPENC“ D.D.

IBËR-LEPENC SH.A. D.D.

08-2455 Dt. 27-10-2021

PRISHTINË - PRISHTINA

Shehi "Bil Clinton" Nr. 13 Prishtine, Kosove Bulevar "Bil Clinton" Br. 13 Prishtina, Kosovo
Tel: 038/526-070, 525-006, Fax: 038/526-159; Email: info@iber-lepenc.org

Mbështetur në Ligjin për Ndërmarrjet Publike nr. Nr. 03/1-087 i plotësuar dhe ndryshuar me Ligjin nr. 04/L-111 dhe Ligjin 05/L-009, Ligjit për Shoqërit Tregtare neni 41 dhe 197, nenit 14 dhe 27 të Statutit, me qëllim të inkorporimit në Statut ndryshimet e përbërjes së Bordit të Përkohshëm të Drejtorëve sipas Vendimit të Qeverisë së Republikës së Kosovës nr. 12/17 të dt. 25.06.2021 dhe Vendimit Nr.30/39 të dt.13.10.2021 dhe Vendimi i Bordit të përkohshëm lidhur me U.D. Kryeshef Ekzekutiv nr. 08/153 të dt. 21.07.2021, Bordi i Përkohshëm i Drejtorëve, në mbledhjen e III-të të rregullt të mbajtur me dt.27.10.2021, aprovoi këtë:

VENDIM

**Miratohet Statuti i Ndërmarrjes Publike Hidroekonomike „Ibër-Lepenc“ SH.A.
Prishtinë**

Arsyetim

Me Vendimin e Qeverisë së Republikës së Kosovës nr. 12/17, dt. 25.06.2021 dhe 30/39 të dt.13.10.2021, ka ndryshuar përbërja e Bordit në Ndërmarrjen Publike Hidroekonomike „Ibër-Lepenc“ Sh.A., në raport me përbërjen ekzistuese në Statutin e Ndërmarrjes.

Me qëllim të inkorporimit në Statut ndryshimet e përbërjes së Bordit të përkohshëm të Drejtorëve sipas Vendimit të Qeverisë së Republikës së Kosovës nr. Nr.12/17 të dt. 25.06.2021 dhe Vendimit nr.30/39 të dt.13.10.2021 për ndryshimin dhe plotësimin e Vendimit nr.12/17 të dt.25.06.2021 dhe Vendimi i Bordit të përkohshëm lidhur me pozitën U.D. Kryeshef Ekzekutiv nr. 08/1531 të dt. 21.07.2021, u vendos si në dispozitiv.

- 1.Znj.Hyrmët Mydyti - Kryesuese e Bordit të Drejtorëve
2. Z. Denis Dautaj - Anëtar i Bordit të Drejtorëve
3. Z.Avdi Gjonbalaj - Anëtar i Bordit të Drejtorëve
4. Z. Rexhep Podvorica - Anëtar i Bordit të Drejtorëve
5. Z.JanuzKabashi - KryeshefEkzekutiv - Drejtor sipas funksionit



NDËRMARRJA PUBLIKE HIDROEKONOMIKE „IBËR - LEPENC" SH.A.
PUBLIC HYDRO - ECONOMIC ENTERPRISE „IBËR - LEPENC" J.S.C.
JAVNO VODOPRIVREDNO PREDUZECE „IBËR - LEPENC" D.D.

Sheshi "Bil Klinton" Nr.13 Prishtinë, Kosove Bulevar "Bil Klinton" Br.13 Pristina, Kosovo
Tel 038/526-070, 525-006, Fax: 038/526-159; Email: info@iber-lepenc.org

STATUTI

I

NDËRMARRJES PUBLIKE HIDROEKONOMIKE „IBËR-LEPENC" SH.A

Prishtinë, Tetor, 2021

STATUTI

I

NDËRMARRJES PUBLIKE HIDROEKONOMIKE „IBËR-LEPENC" SH.A

Neni 1

Emërtimi

- 1) Mbështetur në Ligjin Nr. 03/L-087, „Për Ndërmarrjet Publike" të ndryshuar dhe plotësuar me Ligjin 04/L-111 dhe 05/L-009 dhe Nenit 41 parag.3.4 të Ligjit Nr. 06/L-016, „Për Shoqëritë Tregtare" themelohet:

NDËRMARRJA PUBLIKE HIDROEKONOMIKE „IBËR-LEPENC" SH.A.

- 2) Shkurtimi i emërimit të Ndërmarrjes është N.P.H. „IL" SH.A. Emërtimi i Ndërmarrjes Publike Hidroekonomike (me poshtë në këtë tekst e quajtur Ndërmarrja), mund të shkruhet me shkronja të mëdha ose me shkronja të vogla.

Neni 2

Selia Qendrore

- 1) Selia e Ndërmarrjes është në Qytetin e "Prishtinës", Sheshi "Bill Clinton", Nr. 13. Ndërmarrja mund të ushtrorë aktivitetin e saj në të gjithë territorin e Republikës së Kosovës, ashtu dhe jashtë saj.

Neni 3

Përfaqësitë e Ndërmarrjes

- 1) Ndërmarrja, sipas këtij statuti dhe legjislacionit në fuqi në Republikën e Kosovës, mund të hapë si në Republikën e Kosovës, ashtu edhe jashtë saj, qendra, përfaqësi apo filiale, degë dhe shoqëri të tjera.

Neni 4

Kohëzgjatja

- 1) Kohëzgjatja e Ndërmarrjes është e pakufizuar, përveç nëse vendoset ndryshe nga organet drejtuese të saj.
- 2) Nëse kohëzgjatja e Ndërmarrjes ndryshohet, duhet menjëherë të njoftohet Zyra e Regjistrimit dhe të kërkohet që kjo të publikohet nga ana e kësaj Zyre në bazën e të dhënave të saj.

Neni 5

Fushëveprimtaria

Fushëveprimtaria e Ndërmarrjes është :

1. Furnizimi me ujë të papërpunuar, të akumuluar në liqenin "Ujman", për shfrytëzuesit si:
 - (i). Industrial (Trepça dhe Feronikeli);
 - (ii). Ujësjiellësit Rajonal (Mitrovicë e Prishtinë) dhe
 - (iii). Bujqësia (mirëmbajtja dhe furnizimi i rrjetit për ujitje deri në hidrant).
2. Prodhimi dhe shitja e energjisë elektrike;
3. Mirëmbajtja dhe operimi i objekteve hidroteknike të Ndërmarrjes;
4. Mbrojtja e objekteve të hidrosistemit nga ujërat;
5. Mbrojtja e ujërave në objektet e hidrosistemit nga ndotja;
6. Kultivimi dhe shitja e peshqve në objektet e hidrosistemit;
7. Kuitivimi dhe shitja e kërpudhave në objektet e hidrosistemit;
9. Aktivitetet e nevojshme lidhur me implementimin e fazës së dytë "Lepenci" dhe
8. Aktivitete tjera, në pajtim me natyrën e veprimtarisë së ndërmarrjes.

Neni 6

Themeluesi i Ndërmarrjes

- 1) Qeveria e Republikës së Kosovës, është pronare e Ndërmarrjes me kapital publik.
- 2) Ndërmarrja Publike Hidroekonomike "Ibër-Lepenc" SH. A. themelohet në pajtim me Ligjin Nr. 03/L-087, "Mbi Ndërmarrjet Publike", Ligjin Nr. 02/L-123, "Për Shoqëritë Tregtare", Vendimin e Qeverisë së Republikës së Kosovës Nr. 03/74, datë 14.07.2009 dhe Vendimin e Komisionit të Ministrave Nr.218/1 , datë 30.09.2009.
- 3) Ndërmarrja Publike Hidroekonomike "Ibër-Lepenc" SH.A, është trashëgimtare e Ndërmarrjes Publike "Ibër-Lepenc", me N.R.B. 80061471, Ndërmarrjes Publike Hidroekonomike "Ibër-Lepenc" Holding SH.A. me N.R.B. 70462799 dhe Ndërmarrjes Hidroekonomike "Ibër-Lepenc" SH.A. me N.R.B. 811280015.

Neni 7

Statuti dhe Rregulloret

- 1) Ndërmarrja themelohet vetëm pas regjistrimit të këtij Statuti ne Zyrën e Regjistrimit te Biznesit. Ky Statut është dokumenti themelues dhe konstituiv i Ndërmarrjes Publike Hidroekonomike "Iber-Lepenc" SH.A. Ndryshimet dhe plotësimet në statut, nuk kanë efekt juridik derisa të miratohen nga aksionarët apo Bordi i Drejtorëve dhe të dorëzohen në Zyrën e Regjistrimit te Biznesit në përputhje me dispozitat ligjore.
- 2) Ndërmarrja, duhet të nxjerrë rregulloret të cilat përmbajnë dispozita për administrimin dhe funksionimin e saj. Rregulloret miratohen, ndryshohen ose revokohen nga aksionarët ose Bordi i Drejtorëve, përveç nëse këto autorizime janë rezervuar vetëm për aksionarët në statutin e Ndërmarrjes. Asnjë rregullore e miratuar nga aksionarët nuk mund të

ndryshohet ose revokohet nga Bordi i Drejtorëve, përveq nëse kështu është përcaktuar në rregullore.

- 3) Në rast konflikti, statuti i Ndërmarrjes mbizotëron mbi rregulloret. Në raste të tilla, dispozitat përkatëse të rregulloreve konsiderohen të revokuara ose të ndryshuara në masën e nevojshme për eliminimin e mospërputhjes.

Neni 8

Përgjegjësitë

- 1) Ndërmarrja Publike Hidroekonomike "Ibër-Lepenc" SH.A, si trashëgimtare e Ndërmarrjes Publike "Iber-Lepenc", Ndërmarrjes Publike Hidroekonomike "Iber-Lepenc" Holding SH.A dhe Ndërmarrjes Hidroekonomike "Iber-Lepenc" SH.A, është përgjegjëse për asetet, pasurinë dhe gëzon të drejtat dhe detyrimet që vijnë si pasojë e këtij transformimi.
- 2) Asnjë person, shoqëri tregtare ose shoqëri tjetër nuk është përgjegjëse për detyrimet e Ndërmarrjes vetëm për shkak se është aksionar në këtë shoqëri.

Neni 9

Përgjegjësitë e themeluesve për veprimet para regjistrimit

- 1) Nëse janë ndërmarrë veprime në emër të jsh-ndërmarrjes, para regjistrimit duke përfshirë por pa u kufizuar në hapjen e xhirollogarive bankare, blerjen dhe dhënien me qira të pronës, lidhjen e kontratave ose ndërmarrjen e detyrimeve të tjera, pasi Ndërmarrja të jetë regjistruar ajo merr përsipër përgjegjësinë për këto detyrime dhe në këto raste, Ndërmarrja është e vetmja palë përgjegjëse për pretendimet dhe detyrimet.

Neni 10

Kapitali

- 1) Kapitali themeltar i Ndërmarrjes është 25.000 € (njëzetepesëmijë euro) dhe është i ndarë në 25.000 (njëzet e pesë mijë) aksione me vlerë nominale 1€ (një euro) secili. Kapitali i Ndërmarrjes është derdhur dhe nënshkruar tërësisht.
- 2) Aksionari i vetëm i Ndërmarrjes është Qeveria e Republikës së Kosovës.
- 3) Të gjitha ndryshimet e kapitalit themeltar, bëhen sipas përcaktimit në Ligjin Nr. 06/L-016, "Për Shoqërit Tregtare", ku përfshihet shuma, parapagimi, raporti me vlerën nominale, rritja e kapitalit themeltar, zvogëlimi i kapitalit themeltar, ndarja e aksioneve, rigrupimi i aksioneve, anulimet që nuk ndryshojnë kapitalin themeltar, riblerja ose revokimi i aksioneve, etj.

Neni 11 Aksionet

Ndërmarrja do të ketë listën e aksionarëve.

- 1) Aksionet janë të formës nominale, të thjeshta ose të privileguara, të çertifikuara ose të paçertifikuara, të letrave me vlerë, si dhe lirisht të transferueshme sipas legjislacionit në fuqi në Republikën e Kosovës, e cila rregullon marrëdhëniet tregtare.
- 2) Vlera e aksionit të thjeshtë të Ndërmarrjes është: 1 € (një euro)..
- 3) Pronësia mbi aksionet, rezulton nga regjistrimi i tyre në emer të pronarit, në librin e aksioneve të mbajtura nga ana e Ndërmarrjes apo ndërmjetësve financiarë.
- 4) Aksionet e Ndërmarrjes zotërohen në masën 100% nga Qeveria e Kosovës, respektivisht Ministria e Ekonomisë dhe Financave, si përfaqësuese e pronarit shtet.

Neni 12 Shpërndarja e Dividendit

- 1) Bordi i Drejtoreve të Ndërmarrjes përcakton dividendën.
- 2) Shpërndarja e tyre do të bëhet vetëm me autorizim të aksionarit, sipas përcaktimit të Ligjit Nr. 06/L-016, "Për Shoqëritë Tregtare" .

Neni 13 Aksionarët

(1) Regjistri i Aksionarëve

1. Ndërmarrja themelon dhe mirëmban Regjistrin e Aksionarëve, mbështetur në ligjin në fuqi. Regjistrat, duhet të përmbajnë informatat e kërkuara në baza të ligjit si dhe çfarëdo informate tjetër që Ndërmarrja mendon se është e nevojshme.
2. Ndërmarrja nuk do t'i ngarkojë me taksa për regjistrimin e çfarëdo transferi apo dokumenti tjetër në lidhshmëri me/apo i cili dëmton titullin e ndonjë aksioni.
3. Sekretari mund të regjistroj transferin e ndonjë aksioni vetëm kur të ofrohet dëshmia mbi transferin në pajtueshmëri me ligjin.
4. Sekretari duhet të lejoj aksionarët, të tjerët të përcaktuar me ligj, si dhe agentët e tyre përkatës të autorizuar, të shikojnë regjistrin e aksionarëve dhe duhet të ju ofroj atyre ekstrakte (fragmente) përkatëse nga regjistri sipas kërkesës së tyre.

(2) Mbledhja e Përgjithshme e Aksionarëve

Mbledhja e përgjithshme e aksionarëve të Ndërmarrjes ("mbledhja e përgjithshme") është organi më i lartë vendimmarrës i Ndërmarrjes. Vendimet e mbledhjes së përgjithshme, të cilat

konsiderohen vendime, duhet të jenë detyruese Për Ndërmarrjen, aksionarët, trupat e tjerë si dhe Zyrtarët e Ndërmarrjes.

(3) Thirrja dhe Agjenda e Mbledhjes së Përgjithshme

1. Ndërmarrja duhet të mbajë një mbledhje të përgjithshme vjetore ("mbledhja e përgjithshme vjetore") që të rishikojnë dhe të aprovojnë pasqyrat financiare vjetore, brenda njëqind e pesëdhjetë (150) ditëve pas mbylljes së vitit financiar të Ndërmarrjes.
2. Mbledhjet e përgjithshme thirren nga Kryetari i Bordit të Drejtorëve, duke vepruar përmes Sekretarit.
3. Mbledhjet e përgjithshme mund të thirren nga Bordi i Drejtorëve, në çdo kohë të nevojshme, në mënyrë të barabartë Bordi i Drejtorëve mund të përfshijë çështjet shtesë në agjendën e mbledhjes së përgjithshme vjetore.
4. Dy apo më tepër anëtarë të Bordit të Drejtorëve, apo aksionarë në posedim të jo më pak se njëzet për qind (20%) të aksioneve të lëshuara apo votimit në pritje të Ndërmarrjes mund të kërkojnë mbajtjen e mbledhjes së përgjithshme, duke përfshirë agjendën. Një kërkesë e tillë duhet t'i bëhet me shkrim Kryetarit të Bordit të Drejtorëve dhe duhet të aprovohet kurdo që çështjet e propozuara bien përbrenda kompetencave të mbledhjes së përgjithshme. Kryetari i Bordit të Drejtorëve duhet ta thërras mbledhjen e përgjithshme për një datë jo më vonë se katër dhjetë (40) ditë pasi të jetë pranuar kërkesa, përveç nëse kërkesa përcakton një datë të më vonshme.
5. Sipas rregullave të përcaktuara, çështjet shtesë mund të përfshihen në agjendën e mbledhjes së përgjithshme vjetore, një kërkesë e tillë mund të mos përfilllet në rast se dorëzohet jo më vonë se njëqind (100) ditë pas mbylljes të vitit financiar të Ndërmarrjes. Nëse një kërkesë e tillë bëhet pasi të jetë dërguar njoftimi për mbledhje, mbledhja e përgjithshme vjetore duhet të shtyhet dhe njoftimi i ri duke përfshirë edhe çështjet shtesë të agjendës, duhet të dërgohen.

(4) Njoftimi i Mbledhjes së Përgjithshme dhe procedimet

1. Njoftimi për një mbledhje të përgjithshme duhet t'i dërgohet secilit aksionar së paku tridhjetë (30) ditë më herët në adresat e listuara për secilin aksionar në regjistrin e aksionarëve, si dhe secilit anëtar të Bordit të Drejtorëve. Për më tepër, njoftimi duhet të bëhet përmes publikimit ashtu sic kërkohet me ligj.
2. Njoftimi duhet të përmbajë kohën dhe vendin e mbledhjes së përgjithshme dhe agjendën. Njoftimi duhet të përmbajë se, nëse ndonjë palë nuk do të jetë prezent në mbledhjen e përgjithshme atëherë kjo e fundit mund të shtyhet për më vonë për ndonjë datë më të përshtatshme, duke përcaktuar kohën dhe vendin, një datë e tillë nuk mund të jetë më e herët se pesëmbëdhjetë (15) ditë pas datës origjinale për mbledhjen e as tridhjetë (30) ditë pas saj.

3. Dështimi për ta njoftuar për mbledhjen e përgjithshme secilin aksionar mund të eliminohet nëse ai person merr pjesë në mbledhjen e përgjithshme personalisht, apo i autorizuari i tij. Dështimi për ta njoftuar për mbledhjen e përgjithshme secilin anëtar të Bordit të Drejtorëve mund të eliminohet nëse shumica e anëtarëve të Bordit të Drejtorëve merr pjesë në mbledhjen e përgjithshme personalisht.
4. Secila kërkesë për njoftim do të konsiderohet e braktisur nëse mbledhja e përgjithshme vepron sipas vendimit të shkruar dhe nëse është e nënshkruar nga të gjithë anëtarët e pranishëm.
5. Mbledhjet e përgjithshme, mund të mbahen në më tepër se një vend, përmes lidhjes së ndërsjellë me zë apo video-konferencë, përderisa kërkesat në vijim plotësohen dhe pasqyrohen në procesverbalet përkatëse:
 - i. Udhëheqësi i mbledhjes së përgjithshme duhet të jetë në gjendje të përcaktojë identitetin dhe të drejtën e pjesëmarrjes së atyre që janë prezent, duhet të udhëheqë mbledhjen e përgjithshme dhe duhet të përcaktojë dhe të deklarojë rezultatet e votimit;
 - ii. Sekretari i mbledhjes së përgjithshme duhet të jetë në gjendje që në mënyrë adekuate t'i perceptoj ndodhitë në mbledhjen e përgjithshme, dhe
 - iii. Pjesëmarrësit duhet të jenë në gjendje të marrin pjesë në diskutime dhe të votojnë për pikat e agjendës, gjithashtu të lexojnë, të pranojnë apo të dërgojnë dokumentet e ndërlidhura (nëse ka ndonjë).

(5) Kuorumi Për Mbledhjet e Përgjithshme

1. Mbledhja e përgjithshme mund të mbahet vetëm nëse kuorumi është prezent personalisht apo përmes të autorizuarit. Sekretari duhet të kryej aranzhimet e nevojshme që aksionarët të regjistrojnë aksionet e tyre në mbledhjen e përgjithshme. Kuorumi duhet të jetë prezent nëse aksionarët (apo agjentët e tyre të autorizuar) duke përfaqësuar së paku pesëdhjetë për qind (50%) të aksioneve votues të Ndërmarrjes janë të regjistruar si prezent në mbledhjen e përgjithshme.
2. Nëse nuk ka kuorum përbrenda një periudhe të arsyeshme kohore pas kohës së përcaktuar për fillim, mbledhja e përgjithshme duhet të ndërpritet apo të shtyhet për një datë të përshtatshme që është e përcaktuar në njoftim, (nëse ka). Që një mbledhje e tillë e përgjithshme të shtyhet, kuorumi duhet të jetë njëzetëepesë për qind (25%) e pjesës votuese të Ndërmarrjes. Nëse, në mbledhjen e përgjithshme të shtyrë, nuk ka kuorum brenda një periudhe të arsyeshme kohore mbledhja e përgjithshme do të anulohet.

(6) Udhëheqësi i Mbledhjes së Përgjithshme

Kryetari i Bordit të Drejtorëve apo, me vendim të aksionarëve, personi i zgjedhur nga shumica e pjesës së prezantuar në mbledhjen e përgjithshme duhet të jetë Udhëheqësi i mbledhjes së përgjithshme. Udhëheqësi i mbledhjes së përgjithshme duhet që duke vepruar arsyeshëm dhe në pajtueshmëri me ligjin dhe këtë statut, të konstatoj prezencën e kuoromit, të drejtoj debatin,

si dhe konstaton e deklaron rezultatet e votimit. Sekretari do të asistoj udhëheqësin gjatë mbledhjes, si dhe do të mban procesverbal.

(7) Votat e Aksionarëve

1. Secili aksionarë emri i të cilit paraqitet në regjistrin e aksionarëve, tridhjetë (30) ditë më herët nga data në të cilën është thirrur mbledhja e përgjithshme duhet të ketë një votë për secilin aksion për të cilin ai është mbajtës i regjistruar në regjistrin e aksionarëve të Ndërmarrjes.
2. Secili i aksionar i autorizuar do të emërohet me shkrim nga aksionari i caktuar dhe duhet të pranohet nga Sekretari para fillimit të mbledhjes së përgjithshme.
3. Vota e dhënë nga i autorizuari duhet të jetë e vlefshme, pa marrë parasysh shkarkimin e mëhershëm të autoritetit të personit votues, përveç nëse njoftimi për shkarkim, është pranuar nga Sekretari para fillimit të mbajtjes së mbledhjes së përgjithshme ku edhe është dhënë vota.
4. Një vendim i vënë në votim në mbledhjen e përgjithshme duhet të vendoset nga numërimi publik. Numërimi duhet të filloj menjëherë kur udhëheqësi i mbledhjes së përgjithshme udhëzon, në atë mënyrë që mundëson votimet që i përkasin secilit aksion për apo kundër vendimit që të numërohet në mënyrë të saktë. Në rast se ka votim të barabartë, vota e udhëheqësit të mbledhjes së përgjithshme (nëse ai apo ajo është aksionar) do të jetë votë vendimtare.
5. Në mbledhjen e përgjithshme mund të miratohen vetëm vendimet në lidhje me çështjet të cilat janë përmbledhur në agjendë për ndonjë mbledhje të vecantë, përveç nëse aksionarët të cilët përfaqësojnë të gjitha aksionet e Ndërmarrjes, e të cilët kanë të drejtë të votojnë, janë prezent dhe pajtohen ndryshe.
6. Vendimi me shkrim i nënshkruar nga të gjithë aksionarët e Ndërmarrjes do të ketë të njëjtën fuqi sikurse edhe vendimi që ka kaluar në mbledhjen e përgjithshme që është thirrur dhe mbajtur. Çfarëdo vendimi i tillë mund të përbëhet prej disa dokumenteve duke pasur formë dhe përmbajtje identike, secili i nënshkruar nga një ose më tepër aksionar.

(8) Kompetencat e Mbledhjes së Përgjithshme

1. Përveç nëse është përcaktuar ndryshe në ligj, mbledhja e përgjithshme duhet të ketë kompetenca ekskluzive që të:
 - i. ndryshoj statutin dhe aktet ligjore të Ndërmarrjes, dhe të miratoj kodet e qeverisjes së përbashkët të Ndërmarrjes, të cilat duhet të përcaktojnë kriteret të cilat duhet të drejtojnë ushtrimin nga organet e Ndërmarrjes, dhe vendimit që iu lejohet atyre nga këto statute dhe nga ligji;
 - ii. ngrihet apo zvogëlohet kapitali i aksioneve të Ndërmarrjes;
 - iii. themeloj shtresa të ndryshme të aksioneve, të përcaktoj të drejtat e tyre dhe tiparet e tjera dhe ti ndryshoj ato;

- iv. vendos për ndonjë bashkim, konsolidim, ndarje, shpërndarje, likuidim, transformim, dhe deri në atë masë të lejuar me ligj në bankrotim, apo insolvencë (pa aftësi paguese) të Ndërmarrjes;
- v. vendosë për lëshimin e aksioneve, lëshimin e borxhit apo sigurimeve të konvertuara në aksione, si dhe konsolidimin apo ndarjen e aksioneve të pa paguara dhe sigurimeve konvertuese;
- vi. emëron, largon apo zëvendëson anëtarët e Bordit të Drejtorëve, dhe përcakton pagesën e tyre;
- vii. përcakton pagesat shtesë për ata drejtorë të cilët gjithashtu janë anëtarë të komisionit të auditimit;
- viii. emëron me propozim të komisionit të auditimit, largon apo zëvendëson auditorët e jashtëm të Ndërmarrjes, dhe përcakton pagesat e tyre (përherë në pajtueshmëri me cilindo ligj të prokurimit i cili mund të jetë në fuqi);
- ix. autorizon çfarëdo transaksioni në mes të Ndërmarrjes dhe cilitdo drejtor, dhe ofrimin e çfarëdo shërbimi për Shoqërinë nga auditorët e saj të jashtëm përveç shërbimit të auditimit të ofruar me këtë statut; dhe
- x. aprovon pasqyrat financiare vjetore si dhe dokumentet e tjera të parapara, deklaron të gjithë dividendët dhe vendos në mbuimin e çfarëdo humbjeje.

2. Vendimet, duhet të kërkojnë votën pohuese të shumicës së aksioneve të lëshuara dhe të pa paguara të Ndërmarrjes. Megjithatë, çfarëdo ndryshimi i nenit 13, pika 8(ii) kërkon votën pohuese të së paku dy të tretave (2/3) të aksioneve të lëshuara dhe të pa paguara të Ndërmarrjes.

3. Vendimet, kërkojnë votën pohuese të së paku dy të tretave (2/3) të aksioneve të lëshuara dhe të pa paguara të përfaqësuara në mbledhjet e përgjithshme përkatëse.

4. Vendimet, që nuk referohen më lartë duhet të kërkojnë votën pohuese të shumicës së aksioneve të përfaqësuara në mbledhjet e përgjithshme përkatëse.

5. Aprovimi i transaksioneve, dokumenteve dhe akteve të tjera, nuk do t'i liroj Drejtorët dhe Zyrtarët e Ndërmarrjes nga çfarëdo përgjegjësie që rezulton nga shkeljet e detyrave të tyre të cilat u janë besuar apo nga detyrime të tjera që ka Ndërmarrja, e as nuk do të nënkuptoj heqje dorë nga të drejtat dhe kompensimi të cilat Ndërmarrja, mund të ketë kundër tyre në lidhje me këtë.

Neni 14 **Bordi i Drejtorëve**

(1) Funkzioni i Bordit të Drejtorëve

1. Biznesi dhe detyrat e Ndërmarrjes do të drejtohen nga Bordi i Drejtorëve, sic është përcaktuar në këtë statut dhe ligj.

(2) Anëtarët e Bordit të Drejtorëve

1. Bordi i Drejtorëve, si Bord i përkohshëm, është i formuar me Vendimin e Qeverisë së Republikës së Kosovës nr. 12/17 dt. 25.06.2021, është plotësuar dhe ndryshuar me Vendimin Nr.30/39 të dt.13.10.2021 në këtë përbërje:

1. Znj. Hyrmet Mydyti - Kryesuese e Bordit të Drejtorëve
2. Z. Denis Dautaj - Anëtar i Bordit të Drejtorëve
3. Z. Avdi Gjonbalaj - Anëtar i Bordit të Drejtorëve
4. Z. Rexhep Podvorica - Anëtar i Bordit të Drejtorëve
5. Z. Januz Kabashi - Kryeshef Ekzekutiv- Drejtor sipas funksionit

(3) Bordi i Drejtorëve duhet që sipas përgjegjësisë të tij kolektive të:

1. Respektoj statutin e Ndërmarrjes dhe aktet ligjore dhe të zbatoj vendimet e mbledhjes së përgjithshme, në pajtueshmëri me ligjin;
2. Përcaktoj, dhe rregullisht së paku çdo tre muaj të rishikoj strategjinë e Ndërmarrjes;
3. Përgatitë dhe miratoj strategjinë afatgjate, investimet dhe planet financiare të Ndërmarrjes dhe brenda afatit relevant kohor të rishikoj atë kurdo që është e nevojshme, së paku çdo tre muaj, të bëj ndryshime të cilat mund të jenë të nevojshme;
4. Në bazë të këtyre planeve afatgjate, nxjerr direktiva strategjike për KE kurdo që është e nevojshme;
5. Miratoje planin vjetor të biznesit dhe buxhetin vjetor të përgatitur nga KE në bazë të planit të tillë afatgjatë;
6. Emëroje, largoje apo zëvendësoje KE, përcaktoj, me propozim të komisionit të auditimit kompensimin e tij ose saj, dhe siguron që procesi për përzgjedhjen e KE do të organizohet në mënyrë transparente dhe të arsyeshme, që në këtë mënyrë t'i siguroj Ndërmarrjes kuadër profesional dhe me kompetenca adekuate;
7. Përcaktoje transaksionet në bazë të cilave KE nuk do të ketë fuqinë të veprj (dhe të obligoj Shoqërinë) në mënyrë të pavarur dhe duhet të kërkoj autorizim paraprak nga Bordi i Drejtorëve, apo nënshkrimin e përbashkët të ndonjë zyrtari tjetër;
8. Emërojë me propozim të KE, dhe largon apo zëvendëson ZKF dhe Sekretarin, dhe përcakton në bazë të propozimit të Komisionit të Auditimit kompensimin e tyre;
9. Përcaktojë me propozim të KE, transaksionet financiare në bazë të cilave ZKF nuk do të ketë fuqinë të veprj (dhe të obligoj Shoqërinë) në mënyrë të pavarur, dhe do të duhet të kërkoj autorizim paraprak nga KE apo nga Bordi i Drejtorëve;
10. Kryej mbikëqyrje të vazhdueshme dhe rigorozë mbi punën e biznesit të Ndërmarrjes, mbi punën e KE, ZKF dhe Sekretarit, mbi organizatën e brendshme të Ndërmarrjes dhe mbi performancën e Ndërmarrjes, dhe siguron se linjat e raportimit të Ndërmarrjes janë të organizuara për të lejuar performancën e duhur e një detyre të tillë të mbikëqyrëse dhe mbi këto baza, të zbatoj këto detyra të besuara të zyrtarëve (në rastin e zyrtarit të auditimit të brendshëm vetëm me propozim të komisionit të auditimit);
11. Miratoje në fund të secilit vit të biznesit, pa kurrfarë vonese dhe në çfarëdo rasti brenda nëntëdhjetë (90) ditëve pas përfundimit të vitit financiarë të Ndërmarrjes:

- (i) bilancin vjetorë dhe pasqyrën e fitimit dhe humbjeve të Ndërmarrjes dhe çfarëdo pasqyre tjetër financiare që kërkohet me ligj;
 - (ii) një raport vjetor në menaxhim, rregullore të biznesit, gjendjen financiare dhe industriale të Ndërmarrjes, i cili do të duhet të përfshijë vështrimet e saja në atë mënyrë që operacionet dhe performanca e Ndërmarrjes mund të barazohen me planet afatgjata, gjithashtu të paraqes propozimin e saj për alokim, investim apo shpërndarje të fitimit vjetor, apo mbulimin e humbjeve dhe
 - (iii) Një deklaratë për aksionarët që sipas njohurive më të mira të Bordit të Drejtorëve, duke marrë parasysh raportin e Komisionit të Auditimit, dhe sipas hetimit të vet të pavarur dhe të kujdesshëm dhe konsolidimit adekuat, dokumentet e lartpërmendura janë të vërteta, të drejta dhe të sakta, dhe ato nuk lënë pa përmendur asnjë informatë apo pasqyrë e që mos përfshirja e tyre do të konsiderohej si lajthitje. Ato ti dorëzoj së bashku me raportin nga auditori i jashtëm në dokumentet e parashtruara tek aksionarët së paku tridhjetë (30) ditë para datës së Mbledhjes së Përgjithshme Vjetore;
12. Të siguroj që sistemet adekuate të kontrollit të brendshëm, duke përfshirë kontrollin financiar dhe procedurat janë në vendin e duhur;
 13. Të siguroj se sistemet dhe procedurat adekuate janë në vendin e duhur për të garantuar se librat dhe regjistrat e Ndërmarrjes, duke përfshirë regjistrat financiar, mbahen në pajtueshmëri me standardet e kontabilitetit dhe ligjeve në fuqi, dhe se draft raportet financiare vjetore janë të përgatitura si duhet;
 14. Të siguroj se auditimi i librave dhe regjistrave kryhet të paktën çdo vit nga auditori i jashtëm;
 15. Të siguroj se sistemet dhe procedurat adekuate janë vendosur për të garantuar se Ndërmarrja i respekton të gjitha ligjet e aplikueshme gjatë kryerjes së biznesit dhe detyrave;
 16. Të identifikon, me kërkesë të KE, shenjat adekuate në mënyrë që të matet rregullisht performanca e Ndërmarrjes;
 17. Të siguroj se biznesi i Ndërmarrjes kurrë nuk devijon nga qëllimi i deklaruar në statut, pa autorizimin e qartë të Mbledhjes së Përgjithshme dhe
 18. Bordi i Drejtorëve mund, përveç kësaj, të nxjerr direktiva për KE në organizimin e brendshëm të Ndërmarrjes dhe alokimit e fuqisë dhe autoritetin vendim-marrës së bashku me Zyrtarët dhe Menaxherët e Ndërmarrjes, dhe mund me propozim të KE të caktoj Zyrtarë të tjerë (përveç KE, ZKF, Sekretari dhe Zyrtari për Auditim të Brendshëm), duke vendosur fuqitë, detyrat dhe rregullat e tyre në lidhje me emërimin, kompensimin, largimin apo zëvendësimin e tyre.

(3) Mbledhiet

1. Bordi Drejtorëve duhet të mbledhet në vendin e njoftimit me shkrim për mbledhje, në zyrën e regjistruar të Ndërmarrjes apo diku tjetër, kurdo që paraqitet nevoja nga ana e Kryetarit të Bordit apo nga dy (2) apo më shumë Drejtor. Njoftimi për mbledhjen duhet të ketë agjendën dhe duhet të dorëzohet me dorë së paku tre ditë para mbledhjes, me faks apo e-mail, apo në çfarëdo mënyre tjetër të cilat sigurojnë pranimin me kohë. Në raste të emergjencës, njoftimi për mbledhjen duhet të përcjellët me letër dhe të dërgohet me dorë, me faks apo e-mail së paku një ditë para mbledhjes.
2. Në mbledhje, Kryetari i Bordit të Drejtorëve, duke vepruar arsyeshëm dhe në pajtueshmëri me ligjin dhe këtë statut, duhet të përcaktoj praninë e kuorumit, të drejtoj debatin, si dhe të mbaj procesverbalin, dhe të përcakton dhe deklaron rezultatet e votimit. Sekretari do asistoj Kryetarin, përveç nëse çështja e kofidencialitetit kërkon që KE të veproj si Sekretar i mbledhjes.
3. Mbledhjet e Bordit të Drejtorëve përbëhen në mënyrë valide me prezencën e shumicës së Drejtorëve të Bordit dhe duhet të vendos me votën e shumicës së Drejtorëve pjesëmarrës në mbledhje.
4. Drejtorët të cilët mund të abstenojnë nga votimi dhe Drejtorët të cilët kanë shpalosur konflikt interesash nuk do të përfshihen në numërim në lidhje me shumicën. Në rast barazimi me vota, vota e Kryetarit të Bordit të Drejtorëve është votë vendimtare.
5. Nëse, për shkak të boshllëkut, numri i Drejtorëve është më i vogël se numri i vendosur si kuorum, Drejtorët e mbetur (apo Drejtori) mund të veproj vetëm për qëllim të thirrjes së mbledhjes së përgjithshme për plotësimin e vendeve të lira.
6. Mbledhja e Bordit të Drejtorëve mund të mbahet në më shumë se një lokacion, me lidhje të dyanshme përmes zërit apo video-konferencës, përderisa kërkesat e parashtruara janë përmbushur dhe janë arsyetuar në procesverbal:
 - i Kryetari i mbledhjes duhet të jetë në gjendje të përcaktoj identitetin dhe të drejtën e pjesëmarrjes të atyre që janë prezent, do të udhëheq mbledhjen, dhe do të konstatojë dhe deklaron rezultatet e votimit;
 - ii Sekretari i mbledhjes duhet të jetë në gjendje të perceptoj ngjarjet në mënyrë adekuate gjatë mbledhjes dhe
 - iii Pjesëmarrësit duhet të jenë në gjendje të marrin pjesë në diskutime dhe të votojnë për pikat e agjendës, e gjithashtu edhe të lexojnë, të pranojnë apo të dërgojnë dokumente që ndërlidhen aty (nëse ka).
7. Vendimi me shkrim i nënshkruar nga shumica e Drejtorëve në zyrë do të ketë të njëjtën fuqi dhe efekt sikurse vendimi që ka kaluar në mbledhjen e Drejtorëve të Bordit që është thirrur dhe mbajtur. Çfarëdo vendimi i tillë mund të përbëhet prej disa dokumenteve që kanë formë dhe përmbajtje identike, secili i nënshkruar nga një apo më shumë drejtorë.

Neni 15

Komisioni i Auditimit

- 1) Komisioni i Auditimit duhet të formohet dhe të ketë fuqinë siç janë të përcaktuara në Ligjin nr. 03/1-087 "Mbi Ndërmarrjet Publike" të ndryshuar dhe plotësuar me Ligjin 04/L-111 dhe 05/L-009.

Neni 16

Zyrtarët e Ndërmarrjes

- 1) Zyrtarët e Ndërmarrjes do të jenë Kryeshefi Ekzekutiv, Zyrtarë Kryesor Financiar, Zyrtari i Auditimit të Brendshëm, Sekretari dhe Zyrtarë të tjerë të caktuar nga Bordi i Drejtorëve.
- 2) Kriteret për përzgjedhjen e Zyrtareve të Ndërmarrjes do të përcaktohen duke u bazuar dispozitat e Ligjit Nr. 03/L-087 "Mbi Ndërmarrjet Publike".

Neni 17

Kryeshefi Ekzekutiv

- 1) Kryeshefi Ekzekutiv i Ndërmarrjes (KE) do të ketë autoritet për të lidhur kontratë për Shoqërinë, në pajtueshmëri me ligjin, statutin, dhe aktet tjera nënligjore, duke iu nënshtruar vetëm kufizimeve të përcaktuara nga Bordi i Drejtorëve sipas nenit 14, paragrafi 3, pika 7.
 - 2) Biznesi, detyrat dhe organizimi i Ndërmarrjes duhet të kryhet sipas direktivave, mbikëqyrjes dhe përgjegjësisë së KE, në pajtueshmëri me statutin dhe aktet ligjore të Ndërmarrjes dhe vendimeve të Bordit të Drejtorëve. Të gjitha çështjet në lidhje me biznesin e Ndërmarrjes të citat nuk janë përgjegjësi të Mbledhjes së Përgjithshme, të Bordit të Drejtorëve, Komisionit të Auditimit apo Zyrtarit të Auditimit të Brendshëm, do të vendosen nga apo sipas direktivave dhe përgjegjësisë të KE.
 - 3) KE do të ketë autoritet të punësoj apo të largoj nga puna stafin e Ndërmarrjes, përveç atyre që janë në kompetencë ekskluzive të Bordit të Drejtorëve, për të cilët ka të drejtën e propozimit për punësim apo largim. Të drejtën e punësimit apo largimit të stafit KE mund ta delegoj edhe tek zyrtarët e tjerë përfshirë edhe:
 1. Zyrtari Kryesor Financiar,
 2. Sekretarit dhe
 3. Zyrtarit të Auditimit të Brendshëm.
- (1) KE gjithashtu duhet të:
1. Këshillojë dhe asistoj Bordin e Drejtorëve në përcaktimin e strategjisë së Ndërmarrjes si dhe planet e saja strategjike afatgjata;
 2. Propozoj Bordit të Drejtorëve kandidat të përshtatshëm për punësim si ZKF dhe Sekretarin, duke sugjeruar së paku dy (2) persona për secilën pozitë;

3. Dorëzon, sipas përgjegjësiave të tij Bordit të Drejtorëve drafte të dokumenteve që parashikohen sipas nenin 14, paragrafi 3, pika 11 (i) dhe nenit 14, paragrafi 3, pika (ii);

4. T'i ofrojë kurdo që të jetë e nevojshme, dhe së paku një herë në tre muaj, Bordit të Drejtorëve raporte për transaksionet kryesore të ndërmarra nga Ndërmarrja dhe për vendimet kryesore të ndërmarra nga menaxhmenti në lidhje me udhëheqjen e biznesit dhe të punëve të Ndërmarrjes;

5. T'i dorëzoj, nën përgjegjësinë e tij/saj, Bordit të Drejtorëve dokumente, letra dhe informacione në lidhje me të gjitha çështjet e përfshira në agjendën e mbledhjeve të tij;

6. T'i propozoj Bordit të Drejtorëve kritere adekuate për matjen e performancës së Ndërmarrjes si dhe t'i ofroj Bordit rregullisht, e së paku çdo tre muaj raportet e matjes së performancës së Ndërmarrjes kundrejt kritereve të tilla;

7. Të themeloj dhe rishikoj hierarkinë dhe strukturën organizative të Ndërmarrjes;

8. T'i ofroj Komisionit të Auditimit të gjitha informatat dhe asistencën që mund të kërkohet;

9. T'i ofroj Zyrtarit të Auditimit të Brendshëm të gjitha informatat dhe asistencën që mund të kërkohet nga ky i fundit; dhe

10. Të marrë pjesë në të gjitha Mbledhjet e Përgjithshme.

Neni 18

Zyrtari Kryesor Financiar

Zyrtari Kryesor Financiar i Ndërmarrjes ("ZKF") do të menaxhoj nën drejtimin dhe mbikëqyrjen e KE, çështjet financiare të Ndërmarrjes, varësisht prej kufizimeve të vëna nga Bordi i Drejtorëve ZKF do të ketë autoritetin e propozimit për lidhjen e të gjitha kontratave financiare për Shoqërinë, dhe do të jetë përgjegjës që:

1. Të mirëmbajë llogaritë e Ndërmarrjes të azhurnuara dhe të sakta;
2. Të themeloj dhe udhëheq të gjitha kontrollet e brendshme financiare, duke përfshirë blerjet, pranimet e parave të gatshme dhe pasuritë themelore, të monitoroj llogaritë e pagueshme dhe të koordinojë pagesën e faturave dhe blerjet speciale, të rishikojë shpenzimet e të punësuarve për të siguruar pajtueshmërinë me politikën e Ndërmarrjes dhe buxhetin para pagesës së tyre;
3. Të përgatisë të dhënët e Ndërmarrjes për auditim në fund të vitit;
4. Të koordinojë funksionet tjera të biznesit, sic janë dhënia me qira e objekteve dhe pajisjeve, si dhe të bëj blerje me KE dhe njësinë e prokurimit e Ndërmarrjes;
5. Menaxhoj thesarin e Ndërmarrjes;
6. Të hartoj dhe propozoj buxhetet dhe
7. Çfarëdo tjetër detyre e përcaktuar nga ana e KE.

Neni 19

Zyrtari i Auditimit të Brendshëm

Nën drejtimin dhe mbikëqyrjen e Komisionit të Auditimit, dhe duke i raportuar ekskluzivisht atij, zyrtari i auditimit të brendshëm të Ndërmarrjes ("Zyrtari i Auditimit të Brendshëm ") do të jetë përgjegjës për:

1. Udhëheqjen, menaxhimin dhe organizimin e brendshëm të zyrës së auditimit;
2. Udhëheq dhe drejton të gjitha aktivitetet e auditimit të brendshëm dhe
3. Përbush çfarëdo detyre tjetër të përcaktuar nga ana e Komisionit të Auditimit.

Neni 20 Sekretari

(1) Sekretari i Ndërmarrjes ("Sekretari") do të:

1. Mirëmbajë regjistrin e aksionarëve;
2. Vepron si agjent i Ndërmarrjes për pranimin e njoftimeve;
3. Kryen të gjitha arkivimet, publikimet dhe/ose zbulimet për autoritetet përkatëse siç mund të kërkohet me ligj ose nga ky statut;
4. Mbikëqyrë mirëmbajtjen e duhur dhe azhurnimin e rregullt të uebfaqes, dhe
5. Koordinon me KE përgatitjen e letrave (dokumenteve) për mbledhjet e Bordit të Drejtorëve.

(2) Sekretari do të mbaj procesverbalin e secilës Mbledhje të Përgjithshme, Bordit të Drejtorëve dhe Komisionit të Auditimit (nëse nuk kërkohet ndryshe nga kryesuesi i tyre), dhe do t'i shënoj ato në librat e protokolleve. Procesverbali do të përmbajë këto informata: emrat e personave pjesëmarrës, vendin dhe kohën e mbledhjes, çështjet kryesore të ngritura gjatë diskutimit të pikave të veçanta të agjendës, tekstin e vendimeve të propozuara, rezultatin e secilit votim dhe të votave të secilit individ (pjesëmarrës), tekstin e saktë të vendimeve të arritura si dhe çfarëdo kundërshtimi i ngritur në lidhje me vendimet e miratuara.

(3) Procesverbali për Mbledhjet e Përgjithshme do të nënshkruhet nga kryesuesi i mbledhjes së përgjithshme dhe nga Sekretari dhe do të dorëzohet për aprovim në mbledhjen e ardhshme të përgjithshme. Sekretari do të lëshoj kopje të certifikuara të procesverbalit. Procesverbali i mbledhjes së përgjithshme do t'u vihet aksionarëve në dispozicion pas kërkesës me shkrim.

(4) Procesverbali i secilës mbledhje të Bordit të Drejtorëve do të dorëzohet për aprovim në mbledhjen e ardhshme të Bordit të Drejtorëve. Procesverbali i secilës mbledhje të Bordit të Drejtorëve do të nënshkruhet nga ana e Kryetarit të Bordit të Drejtorëve dhe do t'u shpërndalet anëtarëve të Bordit të Drejtorëve. Të njëjtat rregulla do të zbatohen edhe për procesverbalet e Komisionit të Auditimit.

Neni 21 Detyrat e besuara

Çdo Drejtor i Bordit dhe Zyrtar të Ndërmarrjes do të kenë detyra të lëna në mirëbesim për Ndërmarrjen, në përputhje me ligjin. Këto detyra në mirëbesim gjithmonë do përfshijnë detyrat që të:

1. Veprojnë në besim të mirë ekskluzivisht për përfitime kolektive dhe për përfitime objektive të aksionarëve, gjithmonë në përputhje me ligjin dhe statutin;
2. Të ushtroj fuqinë që iu është dhënë atyre ekskluzivisht në përputhje me interesat më të mira kolektive dhe objektive të aksionarëve;
3. Të ketë konsideratë adekuate për çështjet që duhet vendosur nga ata dhe të sigurojnë të gjitha informatat e nevojshme për marrjen e vendimeve të tilla, duke pasur parasysh ndërlikueshmërinë e tyre;
4. Të shmang dhe shpalos konfliktet e tanishme dhe potenciale në mes të interesave të tyre personale (direkte apo indirekte) dhe të interesave të Ndërmarrjes;
5. Të ushtroj kujdes të arsyeshëm, zell dhe aftësi gjatë përmbushjes së funksioneve të tyre; dhe
6. Të trajtoj si konfidenciale të gjitha informatat të pranuar me arsye nga zyra e tyre ose gjatë zbatimit të detyrave të tyre.

Neni 22

Veprimet e Bordit të Drejtorëve pa mbajtjen e mbledhjes

- 1) Përveç nëse me statut ose rregullore të Ndërmarrjes kërkohet që një aktivitet i Bordit të Drejtorëve të ndërmerret ekskluzivisht në mbledhje të bordit, të gjitha aktivitetet të cilat mund të ndërmerren në mbledhjet e bordit mund të ndërmerren edhe pa mbajtjen e mbledhjes nëse pëlqimi me shkrim, që përmban edhe natyrën e aktivitetit përkatës, nënshkruhet nga të gjithë drejtorët me të drejtë vote për atë çështje. Të gjitha këto pëlqime duhet të përmbahen në një ose më shumë miratime me shkrim, të cilat duhet të paraqesin aktivitetin e ndërmarrë si dhe të kenë nënshkrimin e një ose më shumë drejtorëve. Të gjitha këto pëlqime duhet të vendosen në procesverbalin nga mbledhja e Bordit të Drejtorëve të Ndërmarrjes. Pëlqimi hyn në fuqi pas nënshkrimit nga të gjithë drejtorët, përveç nëse në pëlqim është caktuar një datë tjetër e hyrjes në fuqi.

Neni 23

Komisionet e Bordit

- 1) Bordi i Drejtorëve, me rregulloren e tij të brendshme, përcakton kur mund të miratojnë themelimin e një ose më shumë komisioneve, (komisioni për auditim ose për shqyrtimin e kompensimeve) që do të shqyrtojë, hulumtojë, rekomandojë ose të marrë masa të tjera jo-obligative e që janë në kuadër të kompetencës së bordit.
- 2) Këto komisione, mund të përfshijnë edhe anëtarët e bordit të drejtorëve dhe punëtorët e Ndërmarrjes si dhe persona jashtë kompanisë, sipas përcaktimit në rregullore.

- 3) Miratimi i rregulloreve për marrjen e vendimeve të bordit kërkojnë një numër më të madh, shumica e anëtarëve të komisionit e përbëjnë kuorumin dhe shumica e kuoromit është e nevojshme për çdo rekomandim ose veprim tjetër të komisionit. Të gjitha vendimet dhe veprimet e tjera të komisionit i nënshtrohen rishikimit, ndryshimit dhe miratimit me jo më pak se 2/3 e anëtarëve të bordit.

Neni 24 **Shpalosjet**

(1) Raportet e Bordit të Drejtorëve

Pas çdo takimi të Bordit të Drejtorëve, kjo e fundit do të lëshoj një raport të shkurtë në një gjuhë të qartë, duke vërë në pah një përmbledhje të vendimeve më të rëndësishme dhe rezolutave të arritura në mbledhje, duke i fshehur vetëm ato informata në lidhje me të cilat nevojitet konfidencialitet i arsyeshëm. Informata të tilla do të përfshihen në raportet e mëvonshme kur më nuk ekziston nevoja për të ruajtur konfidencialitetin.

(2) Konflikti i Interesave

Bordi i Drejtorëve dhe Komisioni i Auditimit rregullisht, së paku çdo tre muaj, do të lëshojnë një raport të shkurtër e të përbashkët, me një gjuhë të qartë që nxjerr në pah të gjitha rastet në të cilat cilido Drejtor apo Zyrtar ka deklaruar ekzistimin e konfliktit potencial të interesave dhe ka abstenuar nga votimi ose nga veprimi, duke dhënë indikacione për natyrën e interesave dhe vendimet vepruese për shkak të të cilave janë ngritur ato. Një pjesë e informatave të tilla mund të mbahet nëse çështja e arsyeshme kërkon që konfidencialiteti të respektohet për shkak të Ndërmarrjes, dhe informatat e tilla do të përfshihen në raportet e mëvonshme kur më nuk ekziston nevoja për konfidencialitet. Në asnjë rrethanë informacioni nuk mund të mbahet për shkak të interesave të Drejtorit apo Zyrtarit përkatës.

(3) Transaksionet me palët e ndërlidhura

Komisioni i Auditimit rregullisht së paku çdo tre muaj do të lëshoj një raport të shkurtë dhe me një gjuhë të qartë, duke nxjerr në pah transaksionet më të rëndësishme me palët e ndërlidhura të cilat nuk i ka miratuar, duke dhënë arsyet për mos-miratimin e tyre, dhe të gjitha transaksionet me palët e ndërlidhura që i ka miratuar duke paraqitur vlerën e transaksioneve, vlerën e bilanceve të papaguara, duke përfshirë kushtet, konditat dhe garancionet, provizionet për borxhet e dyshimta lidhur me vlerën e bilanceve të papaguara, dhe shpenzimet e pranuar gjatë periudhës në lidhje me borxhet e këqija (të pa-pagueshme) apo të dyshimta të caktuara nga palët përkatëse të ndërlidhura) si dhe deklarata se kjo e fundit ka qenë e arsyeshme dhe e drejtë për Shoqërinë. Një pjesë e informatave të tilla mund të mbahet nëse çështja e arsyeshme kërkon që konfidencialiteti të respektohet për shkak të Ndërmarrjes, dhe informatat e tilla do të përfshihen në raportet e mëvonshme kur më nuk ekziston nevoja për konfidencialitet. Në asnjë rrethanë informacioni nuk mund të mbahet për shkak të interesave të palës përkatëse të ndërlidhur.

(4) Faqia Elektronike Zyrtare (uebfaqia)

1. Ndërmarrja do të krijojë dhe në mënyrë të rregullt do të azhurnoj, nën përgjegjësinë e KE një uebfaqe ku do të paraqiten së paku këto informacione:
 - i. Dokumentet zyrtare që parashihen dhe raportin për dokumentet e tilla nga Komisioni i Auditimit;
 - ii. Raporti nga auditori i jashtëm për pasqyrat financiare që parashihen me LNP
 - iii. Listën e kontratave më të rëndësishme të prokurimit që janë lidhur gjatë vitit aktual financiar, që tregojnë natyrën e tyre, çmimin dhe palët tjera, pa paragjykim të çfarëdo obligimi të konfidencialitetit që i obligohet të fundit. Atëherë kur Ndërmarrja të veprojnë në një treg garues, ajo mund të fshijë të dhënat e ndjeshme komerciale në lidhje me çmimet nga shpalosjet e tilla;
 - iv. Listën e të gjitha kontratave të prokurimit të lidhura gjatë vitit aktual financiar pa ndjekur procedurat e tenderimit, duke treguar për natyrën e tyre, çmimin, palët tjera (pa paragjykim të çfarëdo obligimi të konfidencialitetit që i obligohet këtij të fundit) dhe arsyen pse procedurat e tenderimit nuk janë përcjell;
 - v. Listën e dhjetë (10) furnizuesve më të rëndësishëm të Ndërmarrjes, me çmimet e furnizimeve;
 - vi. Çfarëdo padie në gjyq apo rastet në pritje në lidhje me vlefshmërinë e çfarëdo zgjedhjeje të drejtorit, shkelje të detyrave të mirëbesimit të drejtorëve apo zyrtarëve apo vlefshmëria e çfarëdo vendimi të miratuar nga ana e Bordit të Drejtorëve;
2. Të gjitha informatat dhe dokumentet e tilla do të shpërndahen në paragrafë të ndarë dhe në mënyrë të lehtë për t'iu qasur, me lidhje tek dokumentet tjera kurdo që të jetë e nevojshme, dhe do të përfshihet në një paragrafë të vetëm të uebfaqës e cila i dedikohet shpalosjeve publike për çështjet e korporatës, dhe do të vendosët në një mënyrë të thjeshtë dhe që mund të lexohet lehtë, e secila nga këto në një format që mund të printohet lehtë.

Neni 25

Viti financiar

- 1) Viti Financiar i Ndërmarrjes do të jetë i njëjtë me vitin kalendarik.

Neni 26

Detyrimi për mos konkurrencë

- 1) Drejtorët e Bordit dhe Zyrtarët e Ndërmarrjes nuk mund të jenë të përfshirë në konkurrencë tregtare kundër Ndërmarrjes. Kjo konkurrencë përfshinë por nuk kufizohet vetëm në punësimin, të qenurit ortak i përgjithshëm, menaxher, drejtor ose anëtar

kontrollues ose aksionar në ndonjë shcqëri tjetër tregtare që ushtron aktivitete tregtare konkurruese.

Neni 27

Ndryshimi i Statutit

- 1) Ndërmarrja mund të bëjë ndryshimin e statutit të saj në çdo kohë, sipas Ligjit Nr. 06/L-016, "Për Shoqëritë Tregtare".

Neni 28

Likuidimi i Ndërmarrjes

- 1) Likuidimi i Ndërmarrjes bëhet sipas mënyrës dhe formës të përcaktuar me ligj.

Neni 29

Ushtrimi i detyrimeve sipas vendimit personal ose të Gjykatës

- 1) Një ose më shumë aksionarë që mbajnë së paku 10% të votave me të drejtë për zgjedhjen e drejtorëve, kanë të drejtë të paraqesin ankesë në gjykatë në emrin e Ndërmarrjes kundër një ose
- 2) më shumë drejtorëve ose zyrtarëve, nëse këta aksionarë kanë arsye të mira për të besuar se zyrtarët dhe drejtorët përkatës kanë shkelur detyrën ndaj Ndërmarrjes dhe me këtë e kanë dëmtuar Ndërmarrjen.
- 3) Asnjë padi nuk mund të paraqitet nga aksionari në emër ose për llogari të Ndërmarrjes, përveç nëse aksionari në fjalë ose pronari paraprak i aksionit të tij ka qenë aksionar në kohën e ngjarjes së veprimeve për të cilat është dashur paraqitur padia dhe Bordi i Drejtorëve ose e ka refuzuar parashtrimin e kësaj padie, ose përpjekjet për ta shtyrë Bordin e Drejtorëve që të paraqesë padinë nuk ka gjasa se do të kenë sukses. Ankesat e paraqitura në këtë mënyrë duhet të përshkruajnë në hollësi:
 - i përpjekjet që janë bërë nga aksionarët për ta shtyrë Bordin e Drejtorëve që ta paraqesë ankesën në emër të Ndërmarrjes Ose;
 - ii një deklaratë se këto përpjekje nuk janë bërë për shkak se më siguri se do të kishin qenë të padobishme, së bashku me një deklaratë ku paraqiten arsyet për mbështetjen e kësaj deklarate.
- 4) Nëse aksionarët ankues janë të suksesshëm në këtë rast, të gjitha kompensimet e dhëna dhe të pranuar janë pronë e Ndërmarrjes, përveç se aksionarët ankues kanë të drejtë që t'i mbulojnë shpenzimet e tyre të arsyeshme, duke përfshirë tarifat ligjore, nga pala mbrojtëse.

Neni 30
Dispozitat përfundimtare

- 1) Në rast të mos rregullimit eventual të ndonjë çështje me këtë statut, zbatohen drejtpërdrejt dispozitat ligjore të Ligjit Nr. 03/1-087, "Për Ndërmarrjet Publike" të ndryshuar dhe plotësuar me Ligjin 04/L-111 dhe 05/L-009 dhe Ligjit Nr. 06/L-016, "Për Shoqëritë Tregtare" të Republikës së Kosovës.

Neni 31
Hyrja në fuqi

- 1) Ky Statut do të hyjë në fuqi ditën e aprovimit nga Bordi i Drejtorëve dhe pas nënshkrimit të tij nga Drejtorët e Bordit, me aplikim nga dita e ndodhjes së ndryshimeve me Vendimin e Qeverisë së Republikës së Kosovës nr. 12/17 të dt. 25.06.2021 për emërimin e Bordit të Përkohshëm të Ndërmarrjes dhe Vendimi nr.30/39 të dt.13.10.2021 për ndryshimin dhe plotësimin e Vendimit nr.12/17 të dt.25.06.2021 dhe Vendimi e Bordit të Përkohshëm të Drejtorëve nr. 08/1531 të dt. 21.07.2021 mbi caktimin e U.D.Kryeshef Ekzekutiv .

Neni 32

- 1) Me hyrjen në fuqi të këtij Statuti, shfuqizohet Statuti i Ndërmarrjes 01-1925 dt. 10.08.2020 Prishtinë, Kosovë.

1. Znj. Hyrmet Mydyti - Kryesuese e Bordit të Drejtorëve

2. Z. Denis Dautaj - Anëtar i Bordit të Drejtorëve

3. Z. Avdi Gjonbalaj - Anëtar i Bordit të Drejtorëve

4. Z. Rexhep Podvorica - Anëtar i Bordit të Drejtorëve

5. Z. Januz Kabashi - Kryeshef Ekzekutiv- Drejtor sipas funksionit

